

27824

336.2

ՈԼ-45

ԼԵՏԱՐՆԵՐ ԲՈԼՈՐ ՅԵՐԿՐՆԵՐԻ, ՄԻԱՑԵՔ!

ՈՒՂՂԱԿԻ ՀԱՐԿԵՐԻ ՈՐԵՆՍԴՐՈՒԹՅՈՒՆ-
ՆԵՐՈՎ ՆԱԽԱՏԵՍՆՎԱԾ ՊԱՀԱՆՋՆԵՐԸ
ԿԱՏԱՐԵԼՈՒ ՎԵՐԱԲԵՐՅԱԼ ՏՆԱՅՆԱԳՈՐԾ-
ՆԵՐԻ, ԱՐՀԵՍՏԱՎՈՐՆԵՐԻ, ՆՈՒՅՆՊԵՍ
ՅԵՎ ԱՐԴՅՈՒՆԱԲԵՐԱԿԱՆ ԶԵՌՆԱՐԿԱ-
ՏԵՐԵՐԻ ՊԱՐՏԱԿԱՆՈՒԹՅՈՒՆՆԵՐԸ

ՀՐԱՏԱՐԱԿՈՒԹՅՈՒՆ Հ. Ս. Խ. Հ. ՓԻՂՓՈՂԿՈՐԵՍԻ

ՅԵՐԵՎԱՆ

1929 թ.

105 JAN 2010

ՊՐՈԼԵՏԱՐՆԵՐ ԲՈԼՈՐ ՅԵՐԿՐՆԵՐԻ, ՄԻԱՑԵՔ!

336.2
 NL-45
 up

182

ՈՒՂՂԱԿԻ ՀԱՐԿԵՐԻ ՈՐԵՆՍԴՐՈՒԹՅՈՒՆ-
 ՆԵՐՈՎ ՆԱԽԱՏԵՍՆՎԱԾ ՊԱՀԱՆՋՆԵՐԸ
 ԿԱՏԱՐԵԼՈՒ ՎԵՐԱԲԵՐՅԱԼ ՏՆԱՅՆԱԳՈՐԾ-
 ՆԵՐԻ, ԱՐՀԵՍՏԱՎՈՐՆԵՐԻ, ՆՈՒՅՆՊԵՍ
 ՅԵՎ ԱՐԴՅՈՒՆԱԲԵՐԱԿԱՆ ԶԵՌՆԱՐԿԱ-
 ՏԵՐԵՐԻ ՊԱՐՏԱԿԱՆՈՒԹՅՈՒՆՆԵՐԸ



ՀԻՄՏՈՐԱԿՈՒԹՅՈՒՆ Հ. Ս. Խ. Հ. ՓԻՆՈՂԿՈՄԸՑԻ

ՅԵՐԵՎԱՆ

1929 թ.

14965-57

Գրառեսպ. № 1755 (բ) Տիրաժ 1000

Հայպոլիգրաֆի 2-րդ տպ. պատ. № 2185

Ուղղակի հարկերի որենադրություններով նախատեսված Պահանջները կատարելու վերաբերյալ սնայնագործների, արհեստավորների, ցուլապետ յեվ արգյունաբերական նեռնարկատերերի պարտականությունները:

1. ԱՐԶԵՍՏԱՀԱՐԿԻ ՄԱՍԻՆ

1. Համաձայն պետական արհեստահարկի կանոնադրությամբ 1 հավելվածի 1-ի հոդվածի՝ բոլոր տնայնագործները և արհեստավորները, վորոնք զբաղվում են արհեստով՝

ա) Ընտանիքի անդամների ոգնությունամբ, առանց վարձու աշխատանքի գործադրությամբ:

բ) Միանձնաբար, յեթե այդ արհեստով զբաղվող անձանց յեկամուտը անցնում է նախընթաց գրույթային տարվա ընթացքում գյուղական վայրերում ըստ միասնական գյուղատնտեսական հարկի չհարկվող միևնույնից, իսկ քաղաղային վայրերում պետական յեկամտային հարկի հարկատուների համար սահմանված չհարկվող միևնույնից № 2 ցանքի:

ԾԱՆՈԹՈՒԹՅՈՒՆ.— Կետ «բ» նշված արհեստներով զբաղվող անձինք, այդ արհեստներով զբաղվելու առաջին տարվա ընթացքում հարկի յենթակա չեն:

Պարտավոր են վերցնել ընթացիկ տարվա սեպտեմբերի 30-ից վոչ ուշ համապատասխան գոտու անձնական զբաղմունքի 1-ին կարգի տոմարագրական վկայական:

2. Նույնը 6-րդ հոգվածի—տնայնագործական և արհեստային զբաղմունքները հավասարապես և անտառային, ձկնորսական և լեռնային զբաղմունքները, վեր կատարվում են մի վարձու բանվորի ոգնությամբ, անկախ այդ աշխատանքում ընտանիքի անդամների ունեցած մասնակցությունից:

Պարտավոր են ընթացիկ տարվա սեպտեմբերի 30-ից վոչ ուշ վերցնել համապատասխան գոտու անձնական զբաղմունքի 2-րդ կարգի տոմարագրական վկայական:

3, Նույնը 14-րդ հոգվածի—տնայնագործական և արհեստային զբաղմունքները, հավասարապես յեվ անտառային, ձկնորսային և լեռնային զբաղմունքները, վորոնք կատարվում են յերկու վարձու բանվորների ոգնությամբ, ընտանիքի անդամների մասնակցությունից անկախ:

Պարտավոր են ընթացիկ տարվա սեպ-

տեմբերի 30-ից վոչ ուշ վերցնել համապատասխան գոտու անձնական զբաղմունքի 3-րդ կարգի տոմարագրական վկայական:

4. Այդպիսով յերեք հոգվածներում հիշված տնայնագործները և արհեստավորները մինչև դրույքային տարվա սկսվելը, համեայն դեպս ընթացիկ տարվա սեպտեմբերի 30-ից վոչ ուշ, պարտավոր են դիմում տալ Պետ. բանկի Գանձմասին, տրվյալ դրույքային տարվա կամ այդ տարվա գործողության ժամանակաշրջանի համար այս կամ այն կարգի տոմարագրական վկայական ստանալու մասին, վորի համար դրոշմատուրք չի վճարվում:

5. Ի բացառություն սույն ցանկի 1, 6 և 14 հոդ. հոդ. շոջանառության հանդեպ սովոսային հարաբերությամբ վորոշվող հարկի են յենթարկվում, ներքոհիշյալ զբաղմունքները և ձերնարկությունները՝

ա) Մասնավոր ապրանքային այն աղորիքները, վոր զբաղվում են բացառապես կամ մասամբ մասնավոր անձանց գնած կամ այդ աղորիքների տերերի մթերած իբրև ալյուր վերավաճառելու նպատակով հացահատիկների վերամշակումով — բացառու-

թյամբ քամաղացների նայե մեկ և յերկու աչքանի ջրաղացների կամ մեխանիկական շարժիչ ունեցող աղորիքների:

բ) Յուղագործական արդյունաբերության արեվածադիկի յուղ արտադրող մասնավոր ձեռնարկությունները:

գ) Կաշու հում նյութերեն վերամշակող մասնավոր ձեռնարկությունները:

դ) Ակցիզով հարկվող պարֆյումիրական և կոսմիտիկական ապրանքների արտադրությամբ զբաղվող մասնավոր անձինք ու ձեռնարկությունները:

6. Բոլոր մնացած տնայնագործական և արհեստային զբաղմունքները և ձեռնարկությունները, վորոնք ոգտվում են յերեք և ավելի բանվորի վարձու աշխատանքով, յենթարկվում են շրջանառության հանդեպ տոկոսային հարաբերությամբ վորոշվող հարկի վճարման, պահպանելով հարկի վճարման համար հետևյալ ժամկետները՝

ա) 30-րդ հոդվածի համաձայն — տոմարազրական վկայականները վերցնելիս, մինչ զրույթային տարվա սկիզբը, մտցվում է նախանցյալ տարվա հարկի դրույքի 25% ի չափով կանխավճար:

բ) Նույնը նոյեմբերի 15-ին — նախանցյալ տարվա հարկի դրույքի 20% ի չափով:

գ) Նույնը հունվարի 15-ին — նախանցյալ տարվա հարկի դրույքի 20% ի չափով:

դ) Անցյալ տարվա հարկի դրույքի և առաջին յերեք ժամկետների կանխավճարների գումարի միջև յեղած տարբերությունը մտցվում է հավասար մասերով մարտի 15-ից և հունիսի 15-ից վոչ ուշ:

յե) 28-րդ հոդվածի համաձայն — վերջնական հաշվետեսությունը կատարվում է հարկի դրույքի վորոշումից հետո: Դրույքի և մտցրված հինգ կանխավճարների միջև յեղած տարբերությունը հարկատուն մրտցընում է հարկի դրույքի վերաբերյալ ծանուցում և տառնալուց 14 որից վոչ ուշ:

Շ. 44-րդ հոդվածի համաձայն — տոմարազրական վկայականները պետք է միշտ լինեն այն ձեռնարկություններում, վորոնց համար վերցված են:

8. 55-րդ հոդվածի համաձայն — անձնական արհեստներով զբաղվող անձինք, տոմարազրական վկայականներ չվերցնելու համար, յենթարկվում են տուգանքի հարկի դրույքի կրկնակի չափից վոչ ավել:

9. 54-րդ հոդվածի համաձայն—շրջանառության հանդեպ տոկոսային հարաբերությամբ վորոշվող հարկի յենթակա ձեռնարկությունները և արհեստները, տոմարադրական վկայականներ չվերցնելու համար, տուգանվում են առաջին ժամկետի կանխավճարի կրկնակի չափից վոչ ավել:

10. 57-րդ հոդվածի համաձայն—տոմարադրական վկայականներ վերցնելու մասին կանոնադրությունը խախտող անձինք, հարկային հսկողության կողմից սահմանված ժամանակամիջոցում (յոթ որից վոչ պակաս), յեթե չներկայացնեն համապատասխան տոմարադրական վկայական, այդպիսիների ձեռնարկությունները, բացի 54-րդ հոդ. նշված տուգանումներից, Ուղղակի Հարկերի տեսուչը կարող է փակել մինչև տոմարադրական վկայական ներկայացնելը:

11. 58-րդ հոդվածի համաձայն—տոմարադրական վկայականները ժամանակին չվերցնելու համար, յեթե այդպիսիք վերցված են մինչ հարկային հսկողության կողմից այդ մասին պահանջ ներկայացնելը, տուգանք է դրվում 54 և 55 հոդ. հոդ. նշված տուգանքների մի հինգերորդականից վոչ ավել:

ՅԵԿԱՄՏԱՀԱՐԿԻ ՄԱՍԻՆ

1) Յեկամտային հարկի հրահանգի 111-րդ հոդվածի համաձայն, բոլոր տնայնագործները և արհեստավորները, ամեն տարի նոյեմբեր 15-ից վոչ ուշ պարտավոր են ներկայացնել իրենց բնակատեղի Ուղղակի Հարկերի տեսուչներին դեկլարացիա (հայտարարություն) իրենց յեկամուսների մասին:

2) Կանոնադրության 2-րդ հոդվածի համաձայն, դեկլարացիա պետք է ներկայացնեն տնայնագործներից, արհեստավորներից և արդյունաբերական ձեռնարկատերերից նրանք, վորոնց նախընթաց տարվա յեկամուտը գերազանցել է՝

ա) Յերևան և Լենինական քաղաքներում 2-րդ գոտի 700 ո.

բ) Բոլոր գավառային կենտրոններում բացի Քեշիշքենդ և Մեղրի քաղաքներից 3-րդ գոտի 600 ո.

գ) Հայաստանի մնացած բոլոր վայրերում այլև Քեշիշքենդ ու Մեղրի քաղ. 4-րդ գոտի 500 ո.

3) Կանոնադրության 7-րդ հոդ. «բ»

կետի համաձայն, յերեքից վոչ ավել բան-
վորներ ունեցող տնայնագործական և ար-
հեստագործական ձեռնարկությունների յե-
կամուտները հարկադրվում են յեկամտային
հարկի № 2 ցանկով:

4) Կանոնադրության 7-րդ հոդվածի
«Գ» կետի համաձայն, շրջանառության
հանգեպ տոկոսային հարաբերությամբ վո-
րոշվող արհեստահարկի յենթակա արդյու-
նաբերական ձեռնարկությունների յեկա-
մուտները հարկադրվում են յեկամտային
հարկի № 3 ցանկով:

5) Դեկլարացիայի տպագրված բլանկ-
ները կարելի յե ստանալ Ուղղակի Հարկերի
տեսուչի գրասենյակից (§112):

6) Հարկատուները գեկլարացիա ներ-
կայացնում են Ուղղակի Հարկերի տեսու-
թյուններին, բաց կամ փակ ծրարով (§113):

7) Դեկլարացիա ընդունող անձը իր
ստորագրությամբ ընդունման մասին վկա-
յական և տալիս (§114):

8) Հարկատուների կողմից ներկայաց-
ված գեկլարացիաների մեջ պետք և ցույց
տրվեն հետևյալ տեղեկությունները՝

ա) Ազգանուն, անուն և հայրանուն ու
բնակավայրը (հարկատույի հասցեն):

բ) Հարկատույի բոլոր յեկամուտների
աղբյուրների թվումը, մասնանշելով աղ-
բյուրների վայրը:

գ) Ընդհանուր (Валовой) յեկամու-
տի գումարը ըստ ամեն մի աղբյուրի,
ծախսերի գումարը ըստ ամեն մի աղբյուրի
և զուտ յեկամուտը:

դ) Ցույց տալ հարկատույի և նրա ըն-
տանիքի կողմից զբաղեցրած բնակարաննե-
րի մակարդակը և նրա ոգտագործության
հետ կապված ընդհանուր ծախսը առ 1-ն
հոկտեմբերի:

յե) Հարկատուն անցյալ տարում ոգ-
տագործել և արդյոք վարձու ծառայողներ,
ովքեր և ինչ թվով:

զ) Հարկատույի ընտանիքի կազմը առ
1-ն հոկտեմբերի, ցույց տալով ընտանիքի
անդամների ազգանուն, անուն, հայրանուն,
տարիքը ու նրանց հարաբերությունը գեկ-
լարացիա տվող անձի հանդեպ, մասնանշե-
լով ընտանիքի այն անդամներին, վորոնք
ունեցել են ինքնուրույն յեկամուտներ և
խնամքի տակ գտնվող այն անձանց, վո-
րոնք ընտանիքի անդամների թվին չեն
պատկանում:

ե) Բացի այդ հարկատուներին հնարա-

վորությունն եւ տրվում դեկլարացիաների մեջ տեղավորել և այլ լրացուցիչ տեղեկություններ:

ը) Դեկլարացիան անպայման պետք եւ ստորագրված լինի հարկատույի կողմից:

9) Այն տնայնագործները և արհեստավորները, վորոնց յեկամուտները հարկադրվում են № 2 ցանկով և վորոնք իրենց խնամքի տակ ունեն յերեքից վոչ պակաս անձ, ոգտվում են հետևյալ արտոնություններով՝ (§10)

ա) Յերեք անձ խնամքի տակ ունեցող հարկատուների համար, հարկի չափը գեղջվում եւ $\frac{1}{4}$ մասով:

բ) Չորս անձ և ավելի խնամքի տակ ունեցող հարկատուների համար հարկաչափը գեղջվում եւ $\frac{1}{3}$ մասով:

Կանոնադրության 10-րդ հոդվածով նախատեսված վերոհիշյալ արտոնություններից ոգտվելու համար դեկլարացիային պետք եւ կցել տնատերի կողմից տրված վկայական, համապատասխան միլիցիայի վավերացումով այն մասին, վոր հիշյալ անձերը առ 1-ն հոկտեմբերի գտնվել են հարկատույի խնամքի տակ:

10) Դեկլարացիա չտալու կամ սահմանված

ժամկետից անց տալու համար № 2 ցանկով տուրքադրվող հարկատուները յենթարկվում են տուգանքի մինչև 100 ռ. գումարի, իսկ № 3 ցանկով տուրքադրվողները մինչև 200 ռ. գումարի:

11) Հարկային մարմինների կողմից պահանջված, ի լրումն ներկայացրած դեկլարացիային, լրացուցիչ տեղեկություններ չներկայացնելու դեպքում, հարկատուն տուգանվում եւ նախկին հոդվածով նշված տուգանքի չափով:

12) Հարկատուները, դեկլարացիայում, կամ նրանց լրացուցիչ տեղեկություններում, նրանցից հասանելիք հարկաչափը պակասեցման նպատակով, ակնհայտի սխալ տեղեկություններ հաղորդելու համար, պատասխանատվության են յենթարկվում քրեյական կարգով:

13) Յեկամտահարկի վճարման ժամկետները՝

1-ին ժամկետ մարտի 15-ին

2-րդ » մայիսի 15-ին

3-րդ » հունիսի 15-ին

4-րդ » հուլիսի 15-ին

14) Այն դեպքում յերբ հարկատույի

կարծիքով իրեն յեկամուտը սխալ ե հաշ-
վըված, նա կարող ե շրջանային հոսնձնա-
ժողովի վորոշման դեմ բողոք տալ գավա-
ռային հանձնաժողովին սկսած ծանուցումը
ստանալու որից:

15) Բողոքի ներկայացնելը չի կասեց-
նում հարկի վճարումը սահմանված ժամ-
կետներին:

16) Այն դեպքում, յերբ հարկատուն
իրեն վրա հաշվված հարկը համարում ե
ճիշտ, բայց այդպիսին ուժերից վեր ե,
նրան թույլատրվում ե դիմում տալ ֆին-
բաժնին, Հարկերի գանձման կանոնադրու-
թյան կարգով:

17) 25 ո. ավելի գումարի դիմում
կամ բողոք ներկայացնելու բոլոր դեպքե-
րում, դիմումին փակցվում ե դրոշմանիշ 2
ո. արժողությամբ, իսկ 25 ո. ցածր-դրոշ-
մատուրքից ազատվում ե:



ՀՀ Ազգային գրադարան



NL0203445

